

Wakita na a puwetaa YAHUDA

Ga use á Yahuda

¹ Náwa wakita na yá anƙwa puwetá ba iya Yahuda, ya sleslera á Yaisu *Almasiihu, ya egdza emmenara ge Yakuba. Yá anƙwa puwakurte ge kure emnde na a wayakurtaa Dadaamiya, daaci a naba dzerakurse, anƙwa á tsufakurtsufa Yaisu Almasiihu na. ² A kwakyakuranvekwákya Dadaamiya ngurna-aara, hairire-aara, ira wáyáva-aara.

Shairiya á emnde a keƙa jirire á Dadaamiya

³ Slakate-aha-aaruwa, ndza yá wava an enƙale-aaruwa bademme, geni yá puwakurte wakita áte elva a lya shifa na má am huƙe-aara kina na. Amá ambane yá puwakurte názena yá vakurte ndzeƙa an nane am wává á kure. Adaba am fetarfire na a vatertaa Dadaamiya ge emnde-aara ba ser palle, hyephye ge náza ba ge ƙeƙiƙeƙi na wá, má am wava yaikke. ⁴ Adaba famika hyema, saremsa emnde a mándzawe á sem dáƙave á miya, se badzaranvebadze elva a ngurna á Dadaamiya á miya. Ta bantsa itare: Anƙwa ngurna á Dadaamiya, mí naba emmága názena á kataná ire á miya. An una nanna maa, amaana tá kataná jirire ge ire-aatare am mága-aha-aatare. Emnde nanna yarnaaya Eddemiya Yaisu *Almasiihu na ba nane palle una Yaakadada na. Shairiya á emnde

ɲanna ta puwete kinekineka, aɲkwa am wakita á Dadaamiya.

⁵ Diyakurdiya tsa elva ɲanna baɗemme, aley kina wá, yá yehakuranteyeha zlaɓe ádaliye geni Dadaamiya a lyesaa *Iserayiila-aha, a saterse am larde á Misera; am iga a una ɲanna, a naba kedaa emnde na faransaareka na. ⁶ Yehauteyeha malika-aha na hayaránka hákuma na a vater-taa Dadaamiya, ta naba yaa sleɗe-aha-aatare na keni. Adaba una ɲanna Dadaamiya a zlejaterme am tate na tabeɗamme jipu na, tá am tsávaytsávaye na baaka badza-aara ɗekideki na, tá aɲkwa ufa kwaskwe á shairiya-aatare. ⁷ Zlaɓe ádaliye yehauteyeha *Saudauma antara *Gaumaura, ira ekse-aha na ta herherzhe an itare na. Emnde a ekse-aha ɲanna keni ndza ta magán ba seke náza á malika-aha ɲanna, kwakya haypa-aha-aatare, tá maga ba názena zlayeka ɗekideki na an vuwa-aatare. Tá aɲkwa maga palasa kina am kára á jahanáma. Daaci a cenarancena emnde baɗemme ge faterem duksa am vuwa ge itare keni.

⁸ Mága á emnde ɲanna ta dema am dágave á kure na keni, ba kalkale antara una ɲanna. Á dáterá ba shene-aatare á de maga máme ɲanna an vuwa-aatare, tá epsawa hakuma á Dadaamiya, tá zlazla male-aha na tá am samaya na baɗemme. ⁹ Una, názu ba *Mikayiilu male á malika-aha keni magaaka. Am sarte na ndza tá aɲkwa gá jawe antara Shaitaine arge emtsa á Muusa, geni á dáná ware am dágave-aatare maa, Mikayiilu wayeteka ndanse elva yaiyaihe

dekideki. Adaba una nanna, a ba nane á elván ge nane: á hyephye Yaakadada. ¹⁰ Amá emnde nanna wá, itare tá valya ba elva yaiyaihe áte názu diyarka. Tá maga ba názena á kataná ervaunđe-aatare ba seke dabba-aha. Una ba jirire á de kedáterá ba una nanna. ¹¹ Kay! Ázara una! Emnde nanna dabartedaba sera á Kayinu. Tá njá á ba an fida ge zlerma nalmane áza emnde seke una ndza a maganaa *Balaama werre. Kefarkedá emnde nanna, adaba ta emnde a garda seke una ndza a maganaa Kaura. ¹² Má kwá ankwá zá dafa á Yaakadada átirpalle antara emnde nanna, mága á emnde nanna tá maganá am dágave á kure na wá, zherwe jipu ge kure. Adaba itare baaka zherwe-aatare dekideki, tá dzáma ba ire-aatare palle. Itare ta ba seke kumba na má á dáná effeya, á hyeka yáwe-aara dekideki na. Ta ba seke náfá-aha na ma samsa ba sarte-aatare keni tá yeka egdzere dekideki na, ta ba seke náfá-aha na ní a batanaa effeya an slalwe-aara bademme, emtsaremtsa na. ¹³ Itare ta ba seke vádza á háye na mándzawe jipu na; shagerkire na tá maganá itare na, ba seke ugbalyaiye á yáwe á guwa. Ta ba seke terlyakwa na nejzarenjezla áte samaya na. Dadaamiya a tsatsateraa sleđe tabedamme ba gyeguniye ge itare, watse baaka segashe-aatare dem ba ge dekideki.

¹⁴ Anuhu, unkwahire á eggye ge Naadama wá, ndza a magaa nabiyye áte jeba á emnde nanna. A ba nane wá: Cenucena ba shagera: Watse á sawa Yaakadada an malika-aha-aara cudedde ma debu wanyara keni, ¹⁵ á se maga

shairiya á emnde bademme, á se maga shairiya á emnde a mándzawe na ta magaa duksa shagerka na, antara adaba gardire na ta maganán ge Dadaamiya, ira elva-aha yaiyaihe na ta valyanaa itare áte nane bademme na. ¹⁶ Emnde nanna, itare ma vaatara keni tá njá á ba kyuwava an emnde, tá njá á ba an ervaunde áte emnde, tá maga ba názena á kataná ire-aatare. Elva-aatare keni, tá ndáhá ba elva a kurávire bademme, tá njá á ba gálá emnde ge njála duksa. Nja-aatare ba una ge itare.

Faufa hyema ba shagera

¹⁷ Amá kure wá, a viyakuraareka elva na ndza ta balakursaa emnde a bela á Yaakadada á miya Yaisu *Almasiihu na, emnde-aaruwa. ¹⁸ Adaba á ba am zuññwire keni ndza barakuránba emnde a bela, a ba itare: «Máki herzhapteherzhe zle á duniya wá, tá de jesaareje emnde a epsawa ura, tá de epsawakurepsawa, tá de maga ba emtanjire na ni á kataná ire-aatare.» ¹⁹ Emnde nanna wá, tá teganá ba itare ye á emnde. Bademme á názena tá maganá itare, tá maganá á ba áte hala á urimagwe, baaka Shedekwe á Dadaamiya am itare. ²⁰ Amá kure wá, ma ware á kure keni, a melanumele ge ura ge de katafke am fetarfire na kwa shanaa kure áza Ura cudedde na, emnde-aaruwa. Njalaunjala áza Dadaamiya an hákuma a Shedekwe Cudedde. ²¹ Yawánka mága wáyávire na a vakurtaa Dadaamiya na. Ufawufa Yaakadada á miya Yaisu Almasiihu geni á se magakurnaamaga ngurna, á se vakurte shifa na á zleka na.

²² Zawatervaareze ge emnde na tá aṅkwa maga shaige na. ²³ Lyawaterselye am huḑe á kára. Yau, emnde na ma am uwe keni tá maga ba názena á kátaná ire-aatare na keni maa, zawatervaareze ge itare keni. Amá wá, faufa hyema ba shagera, geni a ndebarakurveka haypa-aatare ge kure.

Yahuda á gálá Dadaamiya

²⁴ Dadaamiya wá, hyephye ba ṅane ge tsufákurá áte baráma-aara, geni a mbedakuraaka duksa umele. Hyephye ba ṅane ṅanna, ganakini á dákuraada ba laiyye á de katafke-aara am tate á sleksire-aara na an dárádza jipu na, baaka duksa mandzawe áte kure ḑekidēki, kwá á ba an higa á kure am ervaunḑe. ²⁵ Ba ṅane palle una Dadaamiya baaka umele, á lyámiyá ba ṅane palle á kya erva an Yaakadada á miya Yaisu *Almasiihu. Ba ṅane palle una ura yaikke, an demdemire, an hákuma kwaye kinekinēka am zamáne-aha na dedde na, kina keni ba ṅane, antara dem ba ge ḑekidēki. *Aamin.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d